



10392

金谷遺音

目錄

水調歌頭 六調

寶鼎現 調

眼兒媚 二調

臨江仙 五調

鷓鴣天 十二調

卜算子 四調

漁家傲 二調

洞仙歌 一調

念奴嬌 五調

醉落魄 四調

醜奴兒 一調

西江月 三調

踏莎行 二調

望海潮 二調

虞美人 二調

水龍吟 一調

長相思 四調

品令 一調

金谷遺音目

點絳脣 六調

玉樓春 十一調

西地錦 一調

朝中措 一調

阮郎歸 一調

滿江紅 一調

浪淘沙 一調

聲聲慢 一調

憶秦娥 一調

菩薩蠻 三調

惜奴嬌 二調

江城子 二調

如夢令 三調

亭前柳 一調

好事近 二調

夜行船 二調

茶瓶兒 一調

清平樂 六調

一翦梅 一調

浣溪沙 四調

謁金門 五調

杏花天 一調



南柯子 六調

武陵春 一調

減字木蘭花 三調

柳梢青 一調

烏夜啼 一調

愁倚闌 二調

滿庭芳 四調

更漏子 二調

行香子 一調

畫堂春 一調

山花子 一調

燕歸梁 一調

望江南 一調

青玉案 一調

蝶戀花 三調

驀山溪 三調

千秋歲 一調

傳言玉女 一調

金谷遺音

二

金谷遺音

宋 石孝友

水調歌頭

送張左司

君恩九鼎重臣命一毫輕出身事主剛甚須作不平
鳴老却西山薇蕨閒損南窗松菊羞死漢公卿豺狼
敢橫道草木要知名 秋已素人又去若爲情長沙
何在風送鳴咽暮潮聲舉棹却尋歸路揮塵莫談時
事得酒且頻傾一片古時月千里伴君行

又

上清江李中生辰

清霜洗空闊黍管吹秋灰七蕘餘翠半月流素影徘徊
洞天遣蟠桃仙李共折一枝丹桂積慶到雲來風骨

金谷遺音

一

峭冰玉談辦屑瓊瑰 黃閣老金閨彥謫仙才小分
銅竹徧洒雨露楚江隈好把蕭灘玉笥變作嘉肴芳
酒爲壽莫停杯飛詔下霄漢調鼎待鹽梅

又

趙倅生辰

蕭灘韻環珮玉笥燦玲瓏仙源積慶當日占夢兆維
熊學業肯先歆向文燄已高白賀飛步更蟾宮秀色
溢眉宇雄辯倒心胷 作兒戲爲親壽捧霞鍾彩衣
搖曳光映懷橘墮雙紅正好平分風月且伴能言桃
李鯨汲海濤洪行赴紫泥詔歸拜黑頭公

又

男兒四方志豈久困泥沙束書匣劍依舊旅食在京

華踏蹬青雲未遂奔走紅塵何計歛衽且還家草木
漸黃落風月正清嘉 友猿鶴宅邱壑樂生涯幾時
雷雨轟磕平地起龍蛇尺箠可鞭夷狄寸舌可孟社
稷無路踏雲車今古萬千事洒淚向黃花

又

美人在何許相望正悠悠雲窗霧閣遙想宛在海中
洲空對殘雲冷雨何限重山疊水一夢到無由遺怨
寫紅葉薄倖記青樓 金烏擲玉蟾缺物華休鳳梧
鴛井一夜風露各驚秋唯有遠山無賴淡掃一眉晴
綠特地向人愁歛袂且歸去回首謾遲留

又

金谷遺音

二

高情翹雲漢長揖謝君侯脫遺軒冕簸弄泉石下清
幽心契匡廬猿鶴淚染固陵松柏一衲且蒙頭風月
感平髮魂夢繞神州 漾一葉樣孤管去來休琵琶
亭畔正是楓葉荻花秋點檢詩囊酒盃檯帖舞裯歌
扇收盡兩眉愁回望碧雲合相伴赤松遊

寶鼎現

上元上江
西劉樞密

雪梅清瘦月桂圓冷天街新霽想帝輦三朝薄暮催
促燭龍開扇雉正拜舞捧玉卮爲壽花滿香銷鳳髓
馨禹亢胥濤萬頃春入南山聲裏 鼎軸元老詩書
帥體宸衷奉雙親意勤色養行春惜花夜懽宴瑤池
衣綵戲鼓淑氣徧湖山千里驚破慳紅澀翠笑那箇

凝兒無賴 打得金魚墜地休念太平當年手把青
藜照字對珠簾雲棟收拾歌舞輟慶母愛小寬王事
看不日歸步沙隄又贊重華孝治

眼兒媚

何須著粉更施朱元不在妝梳尋常結束珊瑚環珮
短短裙襦 花羞柳妬空撩亂冰雪做肌膚而今便
好小名弄玉小字瓊奴

又

愁雲淡淡雨蕭蕭暮暮復朝朝別來應是眉峰翠減
腕玉香銷 小軒獨坐相思處情緒好無聊一叢萱
草幾竿脩竹數葉芭蕉

金谷遺音

三

臨江仙

一霎狂雲驚雨過月華恰到簾帷檻前疊石翠參差
洞房相見處燈火乍涼時 睡玉眠花愁夜短匆匆
共惜佳期風梧不動酒醒遲好同蝴蝶夢飛上鳳凰
枝

又

醉袖吟鞭行色裏帽簷低處風斜晚山一半被雲遮
殘陽明遠水古木集棲鴉 暮去朝來綠底事不如
早早還家曲屏深幌小窗紗翠沾眉上柳紅搵臉邊
花

又

買笑當歌何處好小樓四面江山玉梅枝上卸餘寒
雨隨春到急風向晚來顛任自腰圍都瘦損肯教
懽意闌珊引杯相屬莫留殘花和人競好人與月爭
圓

又

枕上鶯聲初破睡峭寒輕透簾幃起來惆悵有誰知
雨狂風轉急揉損好花枝薄倖別來春又老等閒
悞却佳期斜陽影裏立多時遠山何事口相對蹙修
眉

又

常記夢雲樓上住殘燈影裏遲留依稀綠慘更紅羞

金谷遺音

四

露痕雙臉淚山樣兩眉愁數片輕帆天際去雲濤
煙浪悠悠今宵獨宿古江頭水腥魚菜市風碎荻花
洲

鷓鴣天

收拾眉尖眼尾情當筵相見便相親偷傳翡翠歌中
意暗合鴛鴦夢裏身雲態度月精神月流雲散兩
無情覺來一枕淒涼恨不敢分明說向人

又

收拾眉尖眼尾情夜來真個夢傾城鴛鴦有底情難
盡蝴蝶無端夢易驚愁一掬月三更繡帷應好睡
輕盈知他莫有相憐分展轉尋思直到明

又

別後應憐信息疎
西風幾度到庭梧
夜來縱有鴛鴦夢
春去空餘蛺蝶圖
煙樹遠塞鴻孤
垂垂天影帶平蕪
憑誰寫此相思曲
寄與馮川鄭小奴

一云金陵小道姑

又

家在東湖湖上頭
別來風月爲誰留
落霞孤鶩齊飛處
南浦西山相對愁
眞了了好休休
莫教辜負菊花秋
浮雲富貴何須羨
畫餅聲名肯浪求

又

花漏聲乾月隱牆
瑤灰迎曉透新陽
物情漸逐雲容好
懽意偏隨日腳長
山作鼎玉爲漿
壽杯叢處豔

金谷遺音

五

梅妝醉鄉路接華胥國
應夢朝天侍赭黃

又

玉燭調元黍律均
迎長嘉節屬芳辰
雲如惜雨鉤牽雪
梅不禁風漏泄春
天意好物華新
偷閒贏取酒邊身
太平朝野都無事
且與鶯花作主人

又

一夜冰漸滿
玉壺五更喜氣動
洪爐門前桃李知
麟集庭下芝蘭看
鯉趨泉脈動
草心蘇日長添得
繡工夫
試探補袞彌縫手
眞個會添一線無

又

一別音塵兩杳然
不堪虛度菊花天
驚秋遠雁橫斜

宇噪晚哀蟬斷續絃 好消息惡姻緣涼宵如水復
如年夢魂不怕風波險飛過江西阿那邊

人自又宮來遊世香墨樹不腐西前白
屏幃重重翠幕遮蘭膏煙暖篆香斜相思樹上雙栖
翼連理枝頭並蒂花 歛鳳髻鞞烏紗雲慵雨困興
無涯箇中贏得平生事免走烏飛一任他

六十又

旅中
中秋

露葉披殘露顆傳明星著地月流天不辭獨賞窮今
夜應爲相逢憶去年 辜窈窕與嬋娟誰知兩處照
孤眠姮娥不怕離人怨有甚心偷獨自圓

又

冬至上
李漕

金谷遺音

六

萬里羈孤囚一簞平頭四十誤儒冠舜絃絃廣播薰風
暖鄒律潛消黍谷寒 樓謾倚劍休彈看君行復上
金鑾鳳池波裏求餘潤蛻肆泥中豈久蟠

又

慶徐元
壽生子

六十仙翁抱桂栽果符吉夢誕英才上天與降麒麟
種明月還生蚌蛤胎 華閣啓玳筵開快呼玉手捧
金罍要知遠地無功客曾到高門托賀來

卜算子

人自蕊宮來微步香雲擁小試尊前白雪歌葉葉秋
聲動 一翦豔波橫兩點愁山重收拾眉尖眼尾情
作個鴛鴦夢

見也如何暮別也如何遽別也應難見也難後會難
憑據 去也如何去住也如何住住也應難去也難
此際難分付

又

折得月中枝坐惜青春老及至歸來能幾時又踏關
山道 滿眼秋光好相見應須早若趁重陽不到家
只怕黃花笑

又 孟撫幹歲寒
三友屏風

冷蕊闌紅香瘦節攢蒼玉更著堂堂十八翁取友三
人足 惜此歲寒姿移向屏山曲紙帳熏爐結勝緣
故伴仙郎宿

金谷遺音

七

漁家傲

送李惠言徐元
集赴試南宮

射虎將軍舉繡帽西園公子南山豹共跨龍媒銜鳳
沼風色好宮花御柳迎人笑 劍履醒醒天日表集
英殿下春來早雙鸚盤空擎百鳥歸來了藍袍錦水
光相照

又

夜半潮聲來枕上擊殘夢破驚魂蕩見說錢塘雄氣
象披衣望碧波堆裏排銀浪 月影徘徊天澗漾金
戈鐵馬森相向洗盡塵根磨業障增豪放從公筆力

詩詞壯

洞仙歌

芙蓉院宇露下秋容瘦龜鶴仙人獻長壽問蓬山別
後幾度春歸歸去晚開得蟠桃斲句 人間遊戲好
鯨背風高那更相將鳳雛九事蘋蘩工翰墨才德兼
全人總道古今稀有儘從他烏兔促年華看綠鬢朱
顏鎖長依舊

念奴嬌

上洪帥王子道生辰正
月十六日用東坡韻

半千寶運瑞清朝誕育人間英物駿律吹灰春到也
遲日光騰東壁婺女雙溪沈郎八詠輝映皆冰雪儲
精毓秀幾年一個人傑 須信和氣隨人粉梅欺黛
柳嬌春爭發翠幕重重稱壽處蓮炬蕙煙明滅鼎席
猶虛九重頻念此袞衣華髮明年今夜鳳池應醉花

金合遺音

八

月

又

悶紅顰翠惜流年忍對豔陽時節白玉樓成人去後
兩地音塵都絕鸞鑑分飛夢雲零亂懽意今衰颯墨
痕紅淡憶會題徧紅葉 須信後約難憑臂嚼鬢剪
也只成虛設滿眼淒涼無限事付與丁香愁結欲語
情酸臨岐步嬾悵望蘭舟發出門誰伴淚昏一片孤

月

又

平湖閣上正殘虹挂雨微雲擎月萬頃琉璃秋向冷
忍便翠銷紅歇北海尊罍西園游宴興逸湖山發飛

塵不到坐移蓬島珠闕 莫厭笑口頻開少年行樂
事轉頭胡越公子多情眞愛客敢憚深杯百罰太一
舟輕芙蓉城鎖醉指神仙窟乘風歸去儘教吹亂華
髮

又

平湖閣上正雌霓將捲雄風初發醉倚危闌吟眺處
月在蓬萊溟渤蓬葉香浮桂華光放翻動蛟鼉窟踏
輪誰信宓妃曾借塵巖 人世景物堪悲等閒都換
了朱顏雲髮遙想廣寒秋到早閒著幾多空闕太白
詩魂玉川風腋自有飛仙骨嫦娥爲伴夜深同駕霜
月

金谷遺音

九

又

上德安王
文甫生辰

麥秋天氣正玉杓斡暑熏絃鳴律浴佛生朝初過也
還數佳辰三日筮水呈祥夢熊叶慶寶運符千一太
平朝野異人端爲時出 須信家世蟬聯乃翁遺範
在子孫逢吉霧隱巢雲聊寄傲行矣飛英騰實瀑布
泉清爐峯氣秀光映霞觴溢萱堂爭看綵衣紅墮雙
橋

醉落魄

友鶯夢蝶尋花問柳深相結教春去後羣芳歇零落
朋游辜負好時節 眼邊愁緒多于髮迢迢一水通
吳越舊歡新恨都休說坐暖殘紅沈醉碧天闕

又

鸞孤鳳隻而今怎忍輕拋擲知他別後誰憐惜一味
恹惶辜負我思憶 雲山萬疊煙波急短書頻寄征
鴻翼相逢後會知何日去也奴哥千萬好將息

又

空庭草積吹花風去春無迹鎖鸞深處應相憶紅染
羅巾顰損眉山碧 曲屏塵暗雙鴻鵠醉衾不暖爐
煙溼一簾暝色人孤寂夢裏燈殘心上雨聲滴

又

紅嬌翠弱怨人珠淚頻偷落歸期莫負音牋約雨斷
雲銷總是初情薄 夜深秋氣生簾幕半衾依舊空

金谷遺音

十

閒却故人何處孤舟泊兩岸秋聲一夜風濤惡

醜奴兒

次韻何文成燈
下鏡中桃花

菱花鏡裏桃花笑清影團團月淡風寒深夜移燈許
細觀 武陵溪上當時事何處飛鸞淚紙驚瀾飄盡
紅英不忍看

西江月

歌徹秋娘金縷醉板織女雲車而今誰復薦相如拔
劍茫然四顧 好景憑詩斷送閒愁著酒消除鏡中
絲髮莫驚呼春滿珠簾繡戶

又

脈脈無端心事厭厭不奈春醒越羅衫薄峭寒輕試

問幾番花信 萬點風頭柳絮數聲柳外啼鶯斜陽
還傍小窗明門掩黃昏人靜

又

拽盡風流露布築城煩惱根基早知恁地淺情時枉
了教人恁地 惜你十分攔就把人一味禁持這回
斷了更相思比似人間沒你

踏莎行

沈水銷紅屏山掩素鎖窗醉枕驚眠處芰荷香裏散
秋風芭蕉葉上鳴秋雨 飛閣愁登倚闌凝竚孤鴻
影沒江天暮行雲嬾寄好音來斷雲暗逐斜陽去

又

金谷遺音

十一

釵鳳搖金髻螺分翠銖衣穩束宮腰細綠柔紅小不
禁風海棠無力貪春睡 翦水精神怯春情意霓裳
一曲當時事五陵年少本多情爲何特地添憔悴

望海潮

離情冰泮歸心雲擾黯然凝竚江臯柳色搖金梅香
弄粉依稀滿眼春嬌常記極遊遨更與持玉斝因解
金貂郎去瞿塘妾家巫峽水迢迢 別來暗減風標
際碧雲暗斷翠被香消春草生池芳塵凝榭淒涼月
夕花朝千里夢魂勞但鳥啼渡口猿響山椒擬把無
窮幽恨萬疊寫霜綃

又

元日上都
運魯大卿

雲龍雙輔匣龍雙起當年楚尾吳頭借月命卿占星
分使來寬俗瘵君憂繡指屈儒流□暫輟北闕小試
南州協奏熏風霈爲霖雨歲登秋 春工點綴芳柔
正梅凝笑臉柳弄青眸柏葉薦鶻椒花載頌休辭秉
燭嬉遊乃眷在宸旒更德標銀管名覆金甌共看朝
天路穩歸拜富民侯

虞美人

醉尋芳草城頭路底事頻凝此麗譙直下小層樓鴛
瓦重重勻砌幾重愁 睡紅蠶翠春風面咫尺無由
見從教笑語落簷楹圖得香闌依約認郎聲

又

金谷遺音

三

月娥弄影當窗照疑是巫山曉芙蓉帳裏睡魂驚淺
拂輕勻猶恐已天明 高樓未放梅花弄却就鴛衾
擁舞腰纖瘦不禁春恣意任郎撩亂一梳雲

水龍吟

舊遊會記當年鳳城雨露開晴晝端門發鑰御爐煙
暗宮花影覆帝念民勞俾乘軺傳暫臨牛斗散陽和
照春光萬井來小試調元手 職業才華競秀漢廷
臣無出其右九重眷倚頻虛槐鼎爭迎袞繡爽氣西
山綠波南浦釀成芳酒趁鋒車未到霞觴共祝百千
長壽

長相思

你又癡我又迷到此癡迷兩爲誰天天天怎知長
相思極相思願得姻緣未盡時今生重共伊

又

紅依稀綠依稀寒勒花梢開較遲蝶魂空自迷怕
人疑使人疑人道間愁想未知歌眉因甚低
蝶團飛鶯亂啼陌上花開人未歸碧臺歌舞稀月
入扉風滿帷坐到黃昏人靜時清愁君不知

又

樹槎牙冰交加冷豔疎疎瘦影斜幾枝梅放花不天
一涯語三义已是情多怨物華那堪更憶家

金谷遺音

三

品令

困無力幾度偎人翠鬢紅溼低低問幾時麼道不遠
三五日你也自家寧耐我也自家將息驀然地煩
惱一箇病教一箇怎知得

點絳脣

霽景澄秋晚風吹盡朝來雨夕陽煙樹萬里山光暮
一帶長川自在流今古人何處月波橫素冷浸蒹

葭浦

又

緩解羅裳十分鴛履低腰素冰香微度一罉殷紅露
風折芳蓮影落盆池去多羞處怕人偷覷粉面頰

可顧

又

著意栽銀砌成葉葉蓮花舫醉霞搖蕩恰似凌波樣
自笑平生鯨吸供陂量孤心賞不如深幌一榻酬
千想

又

楊柳腰肢春來尚怯銖衣重眼波偷送笑把花枝弄
兩帳雲屏一枕高唐夢春情動殢人嬌縱困鞦韆
橫鳳

又

醉倚危檣望中歸思生天際山腰渚尾幾簇漁樵市

金谷遺音

十四

帆落西風一段蘆花水八千里錦書欲寄新雁曾

來未

又

日薄風遲柳眠無力花枝妥燕樓空鎖好夢誰驚破
寒食清明又等閒都過愁無那淚珠頻墮酒盡相

思類

玉樓春

小桃破盡風前萼草草年華閒過却十分清瘦有誰
知一點相思無處著書憑雁字應難說花與淚珠
相對落萬紅千翠儘春光若比此情猶自薄

又

春生澤國芳菲早樓外牆陰聞語笑東君著意到西
園點破施朱渾未了楚雲暮合吳天杳天色沈沈
雲擾擾洞門深閉月輪孤不見當時張好好

又

風光澹蕩雲容粹點染園林添況味花間照夜簇紅
紗柳外踏青搖綠旆芳時不分空憔悴抖擻愁懷
除樂事羅衫一任泥塵泥拚了通宵排日醉

又

扁舟破浪鳴雙櫓歲晚客心分萬緒香紅漠漠落梅
村愁碧萋萋芳草渡漢臯珮失誠相誤楚峽雲歸
無覓處一天明月缺還圓千里伴人來又去

金谷遺音

五

又

井花暖處新陽動節物撩人添恹恹寒蘂冰齒暈輕
澌敗絮粟肌慳短夢文章徹了成何用悶撥爐灰
窺節甕尋思已得到春時預把五窮連夜送

又

冬日上江西
漕魯大卿

漢皇受禪新堯統沼躍潛魚儀舞鳳五雲色備觀臺
書萬世功成賢相用江湖襟帶蠻荆控摩撫民勞
輪土貢願傾石尉望塵心來獻魯侯難老頌

又

一陽不受羣陰壅殘厓行間冬破仲雲低吹白臘寒
濃梅小綻紅春意重湖山千里勤飛控淑氣沖融

披水凍笑攜雨露灑民心暗聚精神交帝夢

又

黃鍾應律扶炎統舜日迎長佳節用娟娟芳意著花
梢益盎暖香浮酒甕 壽觴喚取纖纖捧雨歇珠簾
雲繞棟輿來且伴橋中仙歸去却聯池上鳳

又

臺門瑞靄光陽動人語鼓聲沈洵洵觀風堂迥暗香
飄捲雨樓前寒翠擁 鋒車促入承天寵丹詔啣來
須彩鳳五絲宮線日邊長看補巖廊龍袞縫

又

送趙判官

陽關聲裏催行色馬惜離羣人惜別入懷風月記街

金谷遺音

去

杯迎步溪山供散策 陰飈斷渡江吹白晴壑吞雲

天放碧懸知詩興滿歸途三四野梅開的礫

又

尋春悞入桃源洞草草幽懽聊與共牢籠風月此時
情做造溪山今夜夢 柳蹊未放金絲弄梅徑已經
香雪凍春愁離恨重於山不信馬兒馳得動

西地錦

回望玉樓金闕正水遮山隔風兒又起雨兒又煞好
愁人天色 兩岸荻花楓葉爭舞紅吹白中秋過也
重陽近也作天涯行客

朝中措

亂山疊疊水泠泠南北短長亭客路如天杳杳歸心
能地靈靈 春光荏苒花期冷落酒伴飄零鬢影黃
邊半白燒痕黑處重青

阮郎歸

燭花吹盡篆煙青長波拍枕鳴西風吹斷雁鴻重疊
人夢暗驚 鄉思動旅愁生誰知此夜情亂山聲離
擁孤城空江月自明

滿江紅

雁陣驚寒故喚起離愁萬斛因追念鏡鸞易破鳳絃
難續詩句已憑紅葉去夢魂未斷黃梁熟歎浪萍風
梗又天涯成幽獨 歸來引相思曲塵滿把淚盈掬

金谷遺音

七

對長天遠水落霞孤鶩立盡西風無好意遙山也學
雙眉蹙恨草根不逐鬢根摧秋更綠

浪淘沙

好恨這風兒催俺分離船兒吹得去如飛因甚眉兒
吹不展耐耐風兒 不是這船兒載起相思船兒若
念我孤栖載取人人篷底睡感謝風兒

聲聲慢

花前月下好景良辰厮守日許多時正美之間何事
便有輕離無端珠淚暗菼染征衫點點紅滋最苦是
殷勤密約做造相思 呶啞櫓聲離岸魂斷處高城
隱隱天涯萬水千山一去定失花期東君鬪來無賴

散春紅點破梅枝病成也到而今著個甚醫

憶秦娥

秦樓月秦娥本是秦宮客秦宮客夢雲風韻借仙標
格相從無計不如休如今去也空相憶空相憶尊
前歡笑夢中尋覓

菩薩蠻

酒濃花豔秋波滑舞餘腰素花枝活相見又還休不
禁歸去愁醉衾成獨擁月冷知霜重早是夢難成
梅花腸斷聲

又

雪香白盡江南隴暖風綠到池塘夢疊影上簷明夜

金谷遺音

六

湖春水生踏青何處去楊柳橋邊路不見浣花人

汀洲空白蘋

又

花銷玉瘦斜平薄舞衣寬盡腰如削因甚不勝嬌烏
雲橫鬢翹雙娥顰淺黛鸞鏡愁空對羅袖晚香寒
淚珠和粉彈

惜奴嬌

我已多情更撞著多情底你把一心十分向你盡他
們劣心腸偏有你共你撇了人只爲箇你宿世冤
家百忙裏方知你没前程阿誰似你壞却才名到如
今都因你是你我也没星兒恨你

又

合下相逢算鬼病須沾惹閒深裏做場話霸負我看
承枉馳我許多時價冤家你教我如何割捨 苦苦
孜孜獨自箇空嗟訝便心腸捉他不下你試思量亮
從前說風話冤家休直待教人呪罵

江城子

青青楊柳水邊橋水迢迢柳搖搖緩引離觴頻駐木
蘭橈我是行人君是客俱有恨總無聊 冰漸波浪
暖瓊瑤舞舞晴飄拂春潮一片別魂銷盡遣誰招不似
巖陽山上雪魂易盡雪難銷

又

金谷遺音

五

相逢執手也踟躕立斯須話區區借問來時曾見那
人無忍淚啼痕香不減雖少別忍輕辜 霜風搖落
歲將徂景凋疎恨縈紆過盡行雲我在與誰居一掬
歸心飛不去層浪疊片蟾孤

如夢令

照水粉梅開盡春淺峭寒猶甚秋氣著人衣斗帳玉
兒生暈那更那更簾外月斜風橫

又

風獵亂香如掃又是粉梅開了庭戶鎖殘寒夢斷池
塘春草情悄悄簾外數聲啼鳥

又

折寄隴頭春信香淺綠柔紅嫩插向鬢雲邊添得幾
多風韻但問但問管與玉容相稱

亭前柳

有件偷遮算好事大家都知被新冤家叟索後沒別
底似別底也難爲 識盡千千并萬萬那得恁海底
猴兒這百十錢一箇潑性命不分付待分付與誰

好事近

幸自得人情只是有些脾鬻引殺俺時直甚損我兒
陰德 情知守定沒乾休乾休冤俺急今夜這回除
是有翅兒飛得

又

金谷遺音

三

微雨洒芳塵醞造可人春色聞道夢雲樓外正小桃
花發 殷勤留取最繁枝尊前待閒折準擬亂紅深
處化一雙蝴蝶

夜行船

昨日特承傳誨欲相見奈何無計這場煩惱捻著噀
曉夜價求天祝地 教俺兩下不存濟你莫却信人
調戲若還真個肯收心廝守著快活一世

又

漏永迢迢清夜露華濃洞房寒乍愁人早是不成眠
奈無端月窺窗罅 心心念念都緣那被相思悶損
人也冤家你若不知人這懽娛自今權罷

茶瓶兒

相對盈盈一水多聲價開名得字剛能見也還拋棄
負了萬紅千翠 留無計來無計成何況味而今若
沒些兒事却枉了做人一世

清平樂

送同舍
周智隆

惱花風雨斷送春將暮底死留春春不住那更送春
歸去 今朝且賦歸與明年春滿皇都共泛桃花錦
浪與君同醉西湖

又

天涯重九獨對黃花酒醉撚黃花和淚嗅憶得去年
攜手 去年同醉流霞醉中折盡黃花還是黃花時

金谷遺音

三

候去年人在天涯

又

見時憐惜不見時思憶花柳光陰都瞬息把光陰虛
擲 才郎妾貌相當有些似欠商量看你忔憎模樣
更須著我心腸

又

醉紅宿翠髻鞦韆烏雲墜管是夜來不得睡那更今朝
早起 春風滿榻腰肢階前小立多時恰恨一番雨
過想應溼透鞋兒

又

山明水嫩瀟灑桐廬郡極目風煙無限景說也如何

得盡 自憐俗狀塵容幾年斷梗飄蓬借使嚴陵知
道祇應笑問東風

又

霽光搖目春入郊原綠殘雪壓枝堆爛玉特聞枝間
菽菽 瘦藤細履平沙醉巾一任欹斜落日數聲啼
鳥香風滿路梅花

一翦梅

送晁
駒父

萍水相逢無定居同在他鄉又問征途離歌聲裏客
心孤花盡園林水滿江湖 煙樹微茫帶岸蒲何處
長沙何處洪都要知安穩到家無千里征鴻一紙來
書

金谷遺音

三

浣溪沙

宿醉離愁慢鬢鬟 韓偓 綠殘紅豆憶前歡 叔原 錦江
春水寄書難 叔原 紅袖時籠金鴨暖 少游 小樓吹
徹玉笙寒 李景 爲誰和淚倚闌干 中行

又

柳岸梅溪春又生風枝斜裏雪枝橫空牽歸興惹離
情 灰盡寸心猶自熱淚承雙睫不能情夢雲樓隔
豫章城

又

迎客西來送客行堆堆歷歷短長亭帶人殘酒不能
醒 煙染暮山浮紫翠霜凋秋葉復丹青憑誰圖寫

入銀屏

又

幾曲屏山數幅波雁聲斜帶夕陽過卸帆聊醉菊花
坡旅枕夢魂歸路遠秋江風緊夜寒多薄情還解
憶人麼

謁金門

歸不去歸去又還春暮洞裏小桃音信阻幾番風更
雨相伴竹筇芒屨穿盡松溪花塢早是行人貪道
路聲聲聞杜宇

又

雲樹直雨歇半空猶溼山影插尖高幾尺依依銜落

金谷遺音

三

日遠岸雙飛鷓鴣一水無情自碧颯颯白蘋風正
急斷腸人獨立

又

春睡重睡起煙銷鸞鳳著雨柳綿吹易動風簾花影
弄過雁空勞目送縱有音書何用有意相思無意
口不如休做夢

又

風又雨斷送殘春歸去人面桃花在何處綠陰空滿
路立馬垂楊官渡一寸柔腸萬縷回首碧雲迷洞
府杜鵑啼日暮

又

山雨絕山重冷如冰雪窗外芭蕉三兩葉影排窗上
月 醉枕驚回蝴蝶好夢無人共說心事悠悠芳草
歇不眠聽風嚙

杏花天

把杯莫唱陽關曲行客去居人恨踟屏山似展江如
簇不見尊前醉玉 鶻啼處忽聲裂竹問後夜闌舟
那宿帛書早繫征鴻足腸斷絃孤怎續

南歌子

蟻酒浮明月鯨波泛落星春花秋葉幾飄零只有廬
山君眼向人青 明日非今日長亭更短亭不辭一
飲盡雙餅爭奈秋風江口酒初醒

金谷遺音

又

草色裙腰展冰容水鏡開又還春事破寒來一夜東
風吹綻後園梅 糯糝筠香釀熏爐續麝煤休驚節
物暗相催贏取大家沈醉探春杯

又

鳳髻斜分翠鴛鞋小研紅東君著意綺羅叢最好一
枝特地怨春風 懊恨無情語嬌羞忍芙蓉相看疑
是夢魂中怕逐飛雲歸去斷行蹤

又

疇昔飛鸞侶而今斷雁行西風嶺外下斜陽無賴一
鉤新月掛人腸 雙淚沾襟袖孤燈對客牀枕餘衾

剩只殘香別得嬌癡不睡也思量

又

春淺梅紅小山寒嵐翠薄斜風吹雨入簾幕夢覺南樓嗚咽數聲角 歌酒工夫嬾別離情緒惡舞衫寬盡不堪著若比那回相見更消削

又

亂絮飄晴雪殘花繡地衣西園歌舞驟然稀只有多情蝴蝶作團飛 舊事深琴怨新愁減帶圍倚樓凝望更依依怕見一天風雨捲春歸

武陵春

走去走來三百里五日以爲期六日歸時已是疑應

金谷遺音

三

是望歸時 鞭筒馬兒歸去也心急馬行遲不免相

煩喜鵲兒先報那人知

減字木蘭花

贈何藻

新荷小小比目魚兒翻翠藻小小新荷點破清光景趣多 青青半捲一寸芳心渾未展待得圓時罩定鴛鴦一對兒

又

空階雨過細草搖搖光入座斜日多情戀戀幽窗故故明 沈吟無語立徧梧桐庭下樹病葉先秋零亂風前片段愁

又

角聲催曉斗帳美人初夢覺黛淺妝殘清瘦花枝不耐寒
匆匆睡起冷落餘香栖翠被何處陽臺雨散雲收猶未來

柳梢青

雲髻盤鴉眉山遠翠臉暈微霞燕子泥香鵝兒酒暖
曾見來那秋光已著黃花又恰恨尊前見他越樣
風流惱人情意真個冤家

烏夜啼

瀟湘雨打船篷別離中愁見拍天滄水攪天風
留不住終須去莫匆匆後夜一尊何處與誰同

愁倚闌

又名春光

金谷遺音

三

人好遠路能長奈思量更放晚來些小雨做新涼
衰草低襯斜陽斜陽外水冷雲黃借使有腸也須斷
況無腸

又

淮水闊楚山長恨難量不道愁離人獨夜更天涼
佳節虛過重陽更籬下拆盡疎黃看取清溪三百曲
是回腸

滿庭芳

上張紫微

筆走龍蛇詞傾河漢妙年德藝雙成帝庭敷奏親擢
冠羣英龍首其誰不取便直饒勛業崢嶸偏他甚潑
天來大一箇好聲名憶曾瞻拜處當年汝水今日

瀛城歎白首青衫又造賓閣謹贄詩文一卷仗仙風
吹到蓬瀛依歸地熏香摘豔作箇老門生

又次范倅憶
洛陽梅

蘭畹霜濃柳溪冰咽春光先到江梅瘦枝疎萼特地
破寒開鉤引天涯舊恨雙眉鎖九曲腸回空銷黯故
園何在風月浸長淮當年吟賞處醉仙頽倒飛屑
成堆怎奈向而今兩悞雲乖萬里難憑驛使那堪對
別館離杯誰知道洛陽詩老還有夢魂來

又

瘦頰凝酥殘妝弄酒相逢一笑東風竝肩攜手羞落
可憐紅疑是回心院裏埋醉首吐作芳叢無端處雄
蜂雌蝶相美兩情通一從攀折後漢臯珮失銅雀
春空想桃葉桃根此恨能同多謝金鑾舊客收拾在
芸閣籤中還知否竊香傳粉輪與蠹書蟲

又寄
別

修竹按藍梅山聳翠小小佳處西安從來聞說今日
遠來看便好求田問舍耳溪澗目飽林巒爭知道塵
緣未了無計與盤桓小蠻應念處絃孤么鳳鏡掩
孤鸞愁再見多情素日閒閒早晚扁舟兩槳驚翠枕
雲巘風湍從前去殷勤細數細數萬重灘

更漏子

鞞吟鞭欹醉帽行盡關山古道霜滿地水平田雁兒

聲在天 北沙門南浦岸望得眼穿腸斷桐樹巷夢
雲樓玉兒應也愁

又

燭銷紅窗送白冷落一衾寒色鷓鴣喚起馬馳行月昏
衣上明 酒香脣妝印臂竟夜人人共睡魂蝶亂夢
鸞孤知他睡穩無

行香子

你也嬌癡我也狂迷望今生永不分離如何別後三
換梅枝是好相知不相見只相思 良辰美景賞心
樂事負我辜伊鳳絃再續鸞鑑重窺且等些時說些
子做些兒

金谷遺音

天

畫堂春

寒蛩切切響空幃斷腸風葉霜枝鳳樓何處雁書遲
空數歸期沈腰春瘦卻成宋玉秋悲又還辜負菊
花時沒箇人知

山花子

落日秋風嶺上村全稀過雁少行人正是悲傷愁絕
處更黃昏 漠漠野煙生碧樹漫漫衰草際黃雲借
使替人行到此也銷魂

燕歸梁

樓外春風桃李陰記一笑千金翠眉山斂眼波侵情
滴恹恹深深 當初見了而今別後算此恨難禁與

其向後兩關心又何似而今

望江南

山又水雲巘帶風灣斷雁飛時天拍水亂鴉啼處日
銜山疑在畫圖間人漸遠遊子損朱顏別淚空沾
雙袖溼春心不放兩眉閉此去幾時還

青玉案

征鴻過盡秋容謝捲離恨還東下翦翦霜風落平野
溪山掩映水煙搖曳幾簇漁樵舍芙蓉城裏人如
畫春伴春遊夜轉夜別後知他如何也心隨雲亂眼
隨天斷淚逐長江瀉

蝶戀花

金谷遺音

三元

別後相思無限期欲說相思要見終無計擬寫相思
持送伊如何盡得相思意眼底相思心裏事縱把
相思寫盡憑誰寄多少相思都做淚一齊淚損相思
字

又

寒卸園林春已透紅著溪梅綠染前隄柳見箇人人
今感舊引杯相屬蒲塘酒金縷歌中眉黛皺多少
閒愁借與傷春瘦明日馬蹄浮野秀柳顰梅慘空回
首

又

薄倖人人留不住楊柳花時還是成虛度一枕夢回

春又去海棠吹落胭脂雨 金鴨未銷香篆吐斷盡
柔腸看取沈煙縷獨上危樓凝望處西山暝色連南
浦

驀山溪

鶯鶯燕燕搖蕩春光嬾時節近清明雨初晴嬌雲弄
暖醉紅溼翠春意釀成愁花似染草如翦已是春強
半 小鬟微盼兮付多情管癡騃不知愁想怕晚貪
春未慣主人好事應許玳筵開歌眉斂舞腰輕怎向
輕分散

又

小花靜院有個人人現縹緲更娉婷算不數歌朋無

金谷遺音

三

伴鳴珂曲裏常記偶相見無語恨有情愁綠嫩紅妝
淺 別來誰念人面關山遠凝睇倚危樓眼波長眉
峯不展一年心事到此向誰論書雁杳夢雲深寂寞
江天晚

又

醉魂初醒強起尋芳徑一似楚雲歸諳沒箇鱗書羽
信疎狂蹤跡虛度可憐春陰還悶晴還困贏得無端
病 菱花寶鏡拆破雙鸞影別袖忍頻看生怕見啼
紅醉粉而今憔悴瘦立對東風紅成陣綠成陰況是
春將盡

千秋歲

春工領畧點破羣花萼對流景傷淪落踏青心縷嬾
病酒情懷惡無奈處東風故故吹簾幕腕玉寬金
約一去音容鰓魚與雁應難託從前多少事不忍思
量著心撩亂斜陽影在闌干角

傳言玉女

雪壓梅梢金裊柳絲輕歛錦宮春早乍風和日暖華
國翠路九陌綺羅香滿連空燈火滿城絃管月射
西樓更交光照夜宴萬人擁路指鼇山共看花旗翠
帽到處朱簾高捲歸時常是漏殘銀箭

金谷遺音

三

金谷遺音終

余初閱蔣竹山集至人影窗紗一調喜謂周秦復生
又恐白雪寡和既更得次仲金谷遺音如茶瓶兒惜
奴嬌諸篇輕倩纖豔不墮願奶奶蘭心蕙性之鄙俚
又不墮霓裳縹緲雜佩珊珊之疊架方之蔣勝欲余
未能伯仲也湖南毛晉識

金谷遺音跋



散花庵詞

目錄

賀新郎 四調

木蘭花慢 三調

南柯子 二調

行香子 一調

賣花聲 二調

長相思 三調

感皇恩 一調

蝶戀花 一調

月照梨花 一調

摸魚兒 一調

水龍吟 一調

西河 一調

清平樂 二調

酬江月 二調

浣沙溪 一調

鷓鴣天 二調

秦樓月 一調

重疊金 三調

散花菴詞目

謁金門 一調

南鄉子 一調

花發沁園春 一調

阮郎歸 一調

鵲橋仙 一調

木蘭花慢 一調

水調歌頭 一調

滿庭芳 二調

清平樂 一調

散花庵詞

宋 黃昇

賀新郎

題雙溪馮熙之
交游風月之樓

倦整摩天翼笑歸來點畫亭臺按行泉石落落元龍
□湖海氣更著高樓百尺收攬盡水光山色曾駕鸞
車蟾宮去幾回批借月支風救斯二者慣相識 玲
瓏窗戶青紅溼夜深時寒光爽氣洗清肝膈似此交
游真灑落判與升堂入室有象來爲賓客不用笙歌
輕點沈看仙翁手擲虹霓筆吟思遠兩峰碧樓對兩
峰甚奇

又

乙巳正月十日雙溪攜酒遺晚亭挑花
方開主人浩歌酌客歡甚卽席作此

風送行春步漸行行山回路轉入雲深處問訊花梢

散花卷詞

春幾許半在詩人杖履點點是祥煙膏露中有瑤池
千歲種整嚴妝來作巢仙侶相嫵媚試凝竚 風流
座上揮談塵更多情多才多調緩歌金縷趁取芳時
同宴賞莫惜清尊緩舉有明月隨人歸去從此一春
須一到願東君長與花爲主泉共石聞斯語

又菊

莫恨黃花瘦正千林風霜搖落暮秋時候晚節相看
元不惡采采東籬獨秀試攬結幽香盈手幾劫修來
方得到與淵明千載爲知舊同冷淡比蘭友 柴桑
心事君知否把人間功名富貴付之塵垢不肯折腰
營口腹一笑歸歟五柳悵此意而今安有肯得風流

如此老也何妨相對無杯酒詩自可了重九

又梅

自掃梅花下問梢頭冷蘂疎疎幾時開也問者闔焉
今久矣多少幽懷欲寫有誰是孤山流亞香月一聯
眞絕唱與詩人千載爲嘉話餘興味付來者 清癯
不戀華亭榭待與君白髮相親竹籬菊舍喜甚今年
無酒禁溜溜小槽壓蔗已準擬雪天霜夜自醉自吟
仍自笑任解冠落珮從嘲罵書此意寄同社

木蘭花慢

題馮雲月玉
連環詞後

自沈香夢斷風雨外失餘春悵袍錦淋漓金鑾論奏
四海無人蛾眉古來見妬奈昭陽飛燕亦成塵惟有

散花菴詞

二

空梁落月至今能爲傳神 神遊八表跨長鯨誰是
再來身愛雲月溪頭玉環一曲筆力千鈞人間不堪
著眼但香名百世尙如新乞我九霞蜚珮梯空共上

秋旻

又乙巳

病中

問潘郎兩鬢更禁得幾番秋悵病骨臞幽懷渺渺
短髮颯颯雲邊一聲長笛這風情多屬趙家樓欹枕
困尋藥裏熏衣慵訊香篝 悠悠老矣復焉求何止

賦三休念少日書癖中年酒病晚歲詩愁已攀桂花
作證便從今把筆一齊勾只有煙霞痼疾相陪風月

交游

又懷舊

問春春不語漫新綠滿芳洲記歷歷前遊看花南陌
命酒西樓東風翠紅圍繞把功名一笑付糟邱醉裏
了忘身世吟邊自負風流風流莫莫復休休白髮
漸盈頭悵十載重來畧無歡意惟有閒愁多情向人
似舊但小桃婀娜柳纖柔望斷殘霞落日水天拍拍
飛鷗

南柯子

丁酉清明

天上傳新火人間試袂衣定巢新燕覓香泥不爲繡
簾朱戶說相思側帽吹飛絮憑闌送落暉粉痕銷
淡錦書稀怕見山南山北子規啼

散花卷詞

三

又重九

蘭佩秋風冷茱囊曉露新多情多感怯芳辰強折黃
花來照碧粼粼落帽參軍醉空尊靖節貧世間那
復有斯人目送歸鴻西去一傷神

行香子

梅

寒意方濃暖信才通是晴陽暗拆花封冰霜作骨玉
雪爲容看體清癯香淡於影朦朧孤城小驛斷角
殘鐘又無邊散與春風芳心一點幽恨千重任雪霏
霏雲漠漠月溶溶

賣花聲

己亥二月一日

鶯蝶太匆匆惱殺衰翁牡丹開盡狀元紅俯仰之間

增感槩花事成空 垂柳綠陰中 初絮濛濛多情多
病轉疎慵不是東風孤負我我負東風

又憶舊

秋色滿層霄翦翦寒飈一襟殘照兩無聊數盡歸鴉
人不見落木蕭蕭 往事欲魂消夢想風標春江綠
漲水平橋側帽停鞭沽酒處柳軟鶯嬌

長相思懷秋

天悠悠水悠悠月印金甌曉未收笛聲人倚樓 蘆
花秋蓼花秋催得吳霜點鬢稠香箋莫寄愁

又秋夜

砧聲齊杵聲齊金井闌邊敗葉飛夜寒烏不栖 風

散花巷詞

四

淒淒露淒淒影轉梧桐月已西花冠窗外啼

又春晚

惜春歸愛春歸脫了羅衣著茜衣綠陰黃鳥啼 酒
醒時夢醒時清簟疎簾一局棋了東風馬兒

感皇恩送饒溪臺游新

騎鶴上揚州腰纏十萬拈起詩人舊公案看山看水
此去勝遊須徧煩君收拾取歸吟卷 少日風流暮
年蕭散佳處何妨小留欸沙河塘上落日繡簾爭捲
也須拂拭起看花眼

蝶戀花春感

百計留春春不住褪粉吹香日日催教去心事欲憑

鶯語訴流鶯，剗地無憑據。綠玉闌干圍綺戶，一點
柔紅應在深深處。想倚翠簾吹柳絮，淺顰惆悵芳期
誤。

月照梨花

閨怨

晝景方永，重簾花影好。夢猶酣，鶯聲喚醒門外風絮。
交飛送春歸，脩蛾畫了無人問。幾多別恨，淚洗殘
妝粉。不知郎馬何處嘶煙草，萋迷鷓鴣啼。

摸魚兒

爲遣蛻山中桃
花作寄馮雲月

問山中小桃開後，曾經多少晴雨。遙知載酒花邊去，
唱我舊歌金縷。行樂處，正蝶繞蜂圍錦繡。迷無路。風
光有，主想倚杖西阡，停杯北望，望斷碧雲暮。花知

散花巷詞

五

道應倩蜚鴻寄語，年來老子安否。一春一到成虛約，
不道樹猶如此。煩說與，但歲歲東風妝點紅雲塢。劉
郎老去，待有日重來同君一笑，拈起看花句。

水龍吟

贈丁南郡

少年有志，封侯彎弓欲挂扶桑外。一朝歛縮，蕭然清
興了，無拘礙。袖裏陰符枕中鴻寶，功名蟬蛻看舌端。
霹靂劇談玄妙，人間世疑無對。閭苑醉鄉佳處，想
當年綠陰猶在。羣仙寄語，不須點勘鬼神功罪。碧海
千尋，赤城萬丈，風高浪快，待踞龜食蛤，相期汗漫與
煙霞會。

西河

已亥秋作○
舊分三段非

天似洗殘秋未有寒意何人短笛弄西風數聲壯偉
倚闌感槩展雙眸離離煙樹如薺少年事成夢裏客
愁付與流水水筆牀茶具 老空山未妨肆志世間富
貴要時賢深居宜有餘味大江東去日西墜想悠悠
千古興廢此地閱人多矣且揮絃寄興氛埃之外日
送蜚鴻歸天際

清平樂

宮怨

珠簾寂寂愁背銀缸泣記得小年初選入三十六宮
第一 當年掌上承恩而今冷落長門又是羊車過
也月明花落黃昏

又詞

宮怨

散花菴詞

六

深深禁籞霽日明鶯羽風動槐龍交翠舞恰恰花陰
亭午 一簾暖絮悠颺金爐旋炷沈香天子方看諫
疏內人休鬪新妝

酬江月

戲題
玉林

玉林何有有一彎蓮沼數間茆宇斷塹疎籬聊補草
那得粉牆朱戶禾黍秋風鷄豚曉日活脫田家趣客
來茶罷自挑野菜同煮 多少甲第連雲十眉環座
人醉黃金塢回首邯鄲春夢破零落珠歌翠舞得似
衰翁蕭然陋巷長作溪山主紫芝可採更尋巖谷深
處

又夜涼

西風解事爲人間洗盡三庚煩暑一枕新涼宜客夢
飛入藕花深處冰雪襟懷琉璃世界夜氣清如許劃
然長嘯起來秋滿庭戶應笑楚客才高蘭成愁悴
遣恨傳千古作賦吟詩空自好不直一杯秋露淡月
闌于微雲河漢耿耿天催曙此情誰會梧桐葉上疎
雨

浣沙溪

離壇

鐘磬泠泠夜未央梨花庭院月如霜步虛聲裏拜瑤
章紫極清都雲渺渺紅塵濁世事茫茫未知誰有
返魂香

鷓鴣天

暮春

散花菴詞

七

沈水香銷夢半醒斜陽恰照竹間亭戲臨小草書團
扇自揀殘花插淨瓶鶯宛轉燕丁寧晴波不動晚
山青玉人只怨春歸去不道槐雲綠滿庭

又

張園作

雨過芙蓉葉葉涼摩挲短髮照橫塘一行歸鷺拖秋
色幾樹鳴蟬餞夕陽花側畔柳旁相微雲澹月又
昏黃風流不在談鋒勝袖手無言味最長

秦樓月

秋夕

心如結西風老盡黃花節黃花節塞鴻聲斷冷煙淒
月漢朝陵廟唐宮闕興衰萬變從誰說從誰說千
年青史幾人華髮

重疊金

壬寅
立秋

西風半夜驚羅扇
蛩聲入夢傳幽怨
碧藕試初涼
露痕啼粉香
清冰凝簟竹
不許雙鴛宿
又是五更鐘
鴉啼金井桐

又冬

南山未解松梢雪
西山已挂梅梢月
說侶玉林人
人間無此清
此身元是客
小住娛今夕
拍手凭闌干
霜風吹鬢寒

又除日
立春

銀幡綵勝參差翦
東風吹上釵頭燕
一笑繞花身
小桃先報春
新春今日是
明日新年至
擘繭莫探官

散花菴詞

八

人間行路難

謁金門

初春

花事淺方費化工
勻染牆角紅梅開
未徧小桃纔數點
人在暮寒庭院閒
續茶經香傳酒思
如冰詩思
嬾雨聲簾不捲

南鄉子

夏夜

多病帶圍寬
未到衰年已鮮歡
夢破小樓風馬響
珊珊缺月無情轉
畫闌涼入衾
衾單起探燈花
夜欲闌
書冊滿牀空伴睡
慵觀拈得漁樵笛譜看

又冬夜○或
刻秦少游

萬籟寂無聲
鈴鐵稜稜近五更
香斷燈昏吟未穩
淒淒

清只有霜華伴月明 應是夜寒凝惱得梅花睡不
成我念梅花花念我關情起看清冰滿玉瓶

花發沁園春

芍藥會

曉燕傳情午鶯喧夢起來檢校芳事茶蘼褪雪楊柳
吹綿迤邐麥秋天氣翻階傍砌看芍藥新妝嬌媚正
鳳紫勻染綃裳猩紅輕透羅袂 晝暖朱闌困倚是
天姿妖嬈不減姚魏隨蜂惹粉趁蝶棲香引動少年
情味花濃酒美人正在翠紅圍裏問誰是第一風流
折花簪向雲髻

阮郎歸

倣姜堯章體

粉香吹暖透單衣金泥雙鳳飛閒來花下立多時春

散花菴詞

九

風酒醒遲

桃葉曲柳枝詞芳心空自知湘臯月冷

佩聲微雁歸人不歸

鵲橋仙

春情

青林雨歇珠簾風細人在綠陰庭院夜來能有幾多
寒已瘦了梨花一半 寶釵無據玉琴難托合造一
襟幽怨雲窗霧閣事茫茫試與問杏梁雙燕

木蘭花慢

鶯啼啼不盡燕語語難通這一點芳心十年不斷惱
亂東風重來故人何處但依前流水小橋東記得同
題粉壁而今壁破無蹤 蘭臯空漲綠溶溶流眼落
花紅念著破春衫當時送別燈下裁縫相思漫令白

苦嘆雲煙過眼總成空落日楚天無際凭闌目送歸

鴻

水調歌頭

題李季九侍御鄂州吞雲樓

輪奐半天上勝槩壓南樓籌邊獨坐豈欲登覽快雙
眸浪說胸吞雲夢直把氣吞殘虜西北望神州百載
好機會人事恨悠悠騎黃鶴賦鸚鵡漫風流鬱王
祠畔楊柳煙鎖古今愁整頓乾坤手段指授英雄方
畧雅志昔爲酬杯酒不在手雙鬢怨驚秋

滿庭芳

楚州王冠萬柳池應監丞飲客

三月春光羣賢勝踐山陰何似山陽鵝池墨妙曲水
記流觴自許風流邱壑何人共擊楫長江新亭上山

散花菴詞

十

河有異舉目恨堂堂使君經世志十年邊上兩鬢

風霜問池邊楊柳因甚淒涼萬樹重新種了株株在
桃李花旁仍須待賸栽蘭芷爲國洗河湟

又

元夕上邵武王守子文

草木生春樓臺不夜團團月上雲霄太平官府民物
共逍遙指點江梅一笑幾番負雨秀風嬌今年好花
邊把酒歌舞醉元宵風流賢太守青雲志氣玉樹
羊標是神仙班裏舊日王喬出奉版輿行樂金蓮照
十里笙簫收燈後看看丹詔催入聖明朝

清平樂

吳國軍呈李司直

今朝欲去忽有留人處說與江頭楊柳樹繫我扁舟

五字 十分酒興詩腸難禁冷落秋光借取春風一
笑狂夫到老猶狂

散花卷詞

士

散花庵詞終

以湯白號玉林別號花庵詞客早棄不舉雅忘讀書
顏其居曰散花庵嘗選唐宋詞及中興以來詞各十
卷曰絕妙詞選末載自製詞四十首有總跋云其間
體製不同無非英妙傑特之作昔游受齋稱其詩爲
晴空冰柱樓秋房喜其與魏菊莊友善以泉石清士
目之余於其詞亦云湖南毛晉識

散花庵詞跋

目之余於其詞亦云湖南毛晉識

散花庵詞跋

散花庵詞跋

散花庵詞跋

散花庵詞跋

散花庵詞跋

和清真詞

目錄

瑞龍吟 一調

瑣窗寒 一調

風流子 一調

渡江雲 一調

應天長 一調

荔枝香 三調

還京樂 一調

掃花遊 一調

解連環 一調

玲瓏四犯 一調

丹鳳吟 一調

滿江紅 一調

瑞鶴仙 一調

西平樂 一調

浪淘沙 一調

憶舊遊 一調

驀山溪 一調

少年遊 二調

和清真詞目

秋蕊香 一調

漁家傲 二調

南鄉子 一調

望江南 一調

浣溪沙 三調

迎春樂 二調

點絳脣 一調

一落索 二調

垂絲釣 一調

滿庭芳 一調

隔浦蓮 一調

法曲獻仙音 一調

過秦樓 一調

側犯 一調

塞翁吟 一調

蘇幕遮 一調

浣溪沙 四調

點絳脣 一調

訴衷情 一調

風流子 一調

華胥引 一調

清都宴 一調

四園竹 一調

齊天樂 一調

木蘭花 一調

霜葉飛 一調

惠蘭芳 一調

塞垣春 一調

丁香結 一調

氏州第一 一調

解蹀躞 一調

少年遊 一調

慶春宮 一調

醉桃源 二調

點絳脣 一調

夜遊宮 二調

訴衷情 一調

傷情怨 一調

紅林擒近 二調

滿路花 一調

解語花 一調

六么令 一調

倒犯 一調

大酺 一調

和清真詞目

二

玉燭新 一調

花犯 一調

醜奴兒 一調

水龍吟 一調

六醜 一調

虞美人 二調

蘭陵王 一調

蝶戀花 四調

西河 一調

三部樂 一調

菩薩蠻 一調

品令 一調

玉樓春 一調

滿路花 一調

和清真詞

宋 方千里

瑞龍吟

樓前路愁對萬點風花數行煙樹依依斜日紅收暮
山翠接平蕪畫處 小留伫還是畫闌凭暖半扇朱
戶簾櫳儘日無人消凝悵望時時自語 堪恨行雲
難繫賦情楊柳徘徊猶舞追想向來歡娛懷抱非故
題紅寄綠魂斷江南句何時見輕衫霧唾芳茵蓮步
燕子西飛去爲人試道相思悶緒空有腸千縷清淚
滿班班多于春雨忍看鬢髮密堆飛絮

瑣窗寒

和清真詞

燕子池塘黃鸝院落海棠庭戶東風暗許借與輕風
柔雨奈春光困人正濃畫闌小立慵無語念冶遊時
節融怡天氣異鄉愁旅朝暮 凝情處嘆聚散悲歡
歲常十五連飛竝羽未抵鴛朋鳳侶算章臺楊柳尙
存楚娥鬢影依舊否再相逢拚解雕鞍燕樂同杯俎

風流子

春色徧橫塘年華巧過雨溼殘陽正一帶翠搖嫩莎
平野萬枝紅滴繁杏低牆惱人是燕飛盤軟舞鶯語
咽輕簧還憶舊遊禁煙寒食共追清賞曲水流觴
迴思歡娛處人空老花影尙占西廂堪惜翠眉環坐
雲鬢分行看戀柳煙光遮絲藏絮如花風雨飄粉吹

香都爲酒驅歌使應也無妨

渡江雲

長亭今古道水流暗響渺渺雜風沙倦遊驚歲晚自
歎相思萬里夢還家愁凝望結但掩淚慵整鉛華更
漏長酒醒人語睥睨有啼鴉傷嗟回腸千縷淚眼
雙垂過離情不下還暗思香翻香燼深閉窗紗依稀
看徧江南畫記隱隱煙靄兼葭空健羨口鴛鴦共宿
叢花

應天長

嫩黃上柳新綠漲池東風豔冶天色又見乍晴還雨
年華傍寒食春依舊身是客對麗景易傷岑寂悵凝

和清真詞

二

望一帶平蕪擊就茵藉前度少年場醉記旗亭聯
句徧窗壁調笑映牆紅粉參差水邊宅蘆鞭懶過故
陌恨未老漸成塵跡漫無語立盡斜陽懷抱誰識

荔枝香

勝日登臨幽趣乘興去翠壁古木千章林影生寒霧
空濛冷溼人衣山路元無雨深澗斗瀉飛泉溜甘乳
漁唱晚看小棹歸前浦笑指官橋風颭酒旗斜舉
還脫宮袍一醉芳杯倒鸚鵡幸有雕章蠟炬

又

小園花梢雨歇浪羞泣碧瓦光霽羅幕香浮鶯啼燕
語交加是處池館春徧風外認得笙歌近遠醉魂

半縈夜酒吹未散暗憶年時正日赴西池宴笑攜上
質郢曲新聲妙如翦有愁容易排遣

還京樂

歲華慣每到和風麗日歡再理爲妙歌新調粲然一
曲千金輕費記夜闌沈醉更衣換酒珠璣委悵畫燭
搖影易積銀盤紅淚 向笙歌底問何人能道平生
聚合歡娛離別興味誰憐露浥煙籠盡栽培豔桃穠
李漫縈牽空坐隔千山情遙萬水縱有丹青筆應難
摹畫憔悴

掃花遊

野亭話別恨露草芊綿曉風酸楚怨絲恨縷正楊花

和清真詞

三

碎玉滿城雪舞耿耿無言暗灑闌干淚雨片帆去縱
百種避愁愁早知處 離思都幾許但漸慣征塵斗
迷歸路亂山似俎更重江浪淼易沈書素瞪目銷魂
自覺孤吟調苦小留伴隔前村數聲簫鼓

解連環

素封誰託空寒潮浪疊亂山雲邈對倦景無語消魂
但香斷露晞絮飛風薄杜宇聲中動多少客情離索
繞闌干此立暗記那回賞徧花藥 依依歲華自若
更低煙暮草殘照孤角嘆息故里春光有幽圃名園
算也閒卻閒卻早早歸休漸過了芳條華萼趁良時
按歌喚舞舊家院落

玲瓏四犯

傾國名姝似暈雪勻酥無限嬌豔素質閒姿天賦淡
蛾豐臉還是睡起慵妝顧鬢影翠雲零亂悵平生把
鑿驚換依約瑣窗逢見繡幃凝想鴛鴦薦畫屏烘
獸煙葱蒨依紅傍粉憐香玉聊慰風流眼空嘆倦容
斷腸奈聽徹殘更急點仗夢魂一到花月底休飄散

丹鳳吟

宛轉迴腸離緒嬾倚危闌愁登高閣相思何處人在
繡幃羅幕芳年豔齒枉消虛過會合絲輕因絲蟬薄
暗想飛雲驟雨霧隔煙遮相去還是天角悵望不
時夢到素書漫說波浪惡縱有青青髮漸吳霜妝點
容易凋鑠歡期何晚忽忽坐驚搖落顧影無言清淚
溼但絲絲盈握染斑斑客袖歸日須問著

滿江紅

爲憶仙姿相思恨纏綿未足從別後沈郎消瘦帶圍
如束消息三年沈過處關山千里無飛肉算誰知中
有不平心彈碁局空想像金釵卜時畏詭回紋曲
許何時重到瑣窗華屋長得一生花裏活輓紅深處
鴛鴦宿也勝如騎馬著征衫京塵撲

瑞鶴仙

看青山繞郭更暮草萋萋疎煙漠漠無風自花落欲
黃昏誰向官樓吹角剛腸頓弱恨別來辜負厚約想

香閨念舊還憶去年共舉杯酌 寂寞光陰虛度未
說離愁淚痕先闋珠簾翠幕除相見是奇藥況中年
已後凭高臨遠情懷終是易惡早歸休月地雲階賸
追笑樂

西平樂

倦踏征塵厭驅匹馬凝望故國猶賒孤館今宵亂山
何許平林漠漠煙遮悵過眼光陰似瞬回首歡娛異
昔流年迅景霜風敗葦驚沙無奈輕離易別千里意
刷淚獨長嗟 綺窗人遠青門信杳敘影何時重見
雲斜空怨憶吹簫韻曲旋錦回文想像宮商蠹損機
杼生塵誰爲新裝暈素華那信自憐悠颺夢蝶浮沒
書鱗縱有心情盡爲相思爭如傍早歸家

和清真詞

五

浪淘沙

素秋霽雲橫曠野浪拍孤堞柔櫓悲聲頓發驪歌恨
曲未闕念一寸回腸千縷結柳條在忍使攀折但悵
惘章臺路多少相思拚愁絕 淒切去程浩渺空闊
奈斷梗孤篷西風外蕪菼殘吹咽應暗爲行人傷念
離別淚波易竭凝怨懷羞覩當時明月煙浪無窮青
山疊魚封遠雁書漸歇甚時合金釵分處缺慢飄蕩
海角天涯再見日應憐兩鬢玲瓏雪

憶舊遊

念花邊玉漏帳裏鸞笙曾款良宵鏤鴨吹香霧更輕

風動竹韻響瀟瀟畫簷皓月初掛簾幕縠紋搖記罷
曲更衣挑燈細語酒暈全消 迢迢舊時路縱下馬
銅駝誰聽揚鑣奈可憐庭院又徘徊羣過清夢難招
斷魂暗想幽會回首渺星橋試彷彿仙源重尋當日
千樹桃

驀山溪

園林晴晝花上黃蜂尾鶯語怯遊人又還傍綠楊深
避曲池斜徑草色碧於藍闌倦倚簾半起魂斷斜陽
裏 江南春盡渺渺平橋水身在一天涯問此恨何
時是已飛帆輕槳催送莫愁來歌舞地尊酒底不羨
東隣美

和清真詞

六

少年遊

丹青開展小屏山香燼一絲寒織錦回紋生綃紅淚
不語自羞看 相思念遠關河隔終日望征鞍不識
單栖忍教良夜魂夢覓長安

又

東風無力颺輕絲芳草雨餘姿淺綠還池輕黃歸柳
老去願春遲 闌干凭暖慵回首閒把小花枝怯酒
情懷惱人天氣消瘦有誰知

秋蕊香

一枕盤鶯錦暖初起嬾勻妝面綠雲鬟娜映嬌眼酒
入桃腮暈淺 翠簾半捲香縈線礙飛燕畫屏淺立

意閒遠春鎖深沈小院

漁家傲

燭彩花光明似畫羅幃夜出傾城秀紅錦紋茵雙鳳
鬪看舞後腰肢宛勝章臺柳 眼尾春嬌波態溜金
尊笑捧纖纖袖一陣粉香吹散酒更漏久消魂獨自
歸時候

又

冷葉啼蛩聲惻惻銀牀曉起清霜積魂斷江南煙水
國書難得相思此意無人識 綠鬢金釵年少客愁
來嬾傍菱花仄霧閣雲窗閒枕席情何適杯盈珠淚
還偷滴

和清真詞

七

南鄉子

西北有高樓淡靄殘煙漸漸收幾陣涼風生客袖颺
颺心逐年華袞袞流 花卉滿前頭老嬾心情萬事
休獨倚闌干無一語回眸鼓角聲中喚起愁

望江南

春色暮短艇艤長隄飛絮空隨花上下啼鶯占斷水
東西來往燕爭泥 桑柘綠歸去覓前蹤夜甕酒香
從蟻鬪曉窗眠足任雞啼猶勝旅情悽

浣溪沙

楊柳依依窳地垂麴塵波影漸平池霏微細雨出魚
兒 先自別來容易瘦那堪春去不勝悲腰肢寬盡

縷金衣

又

無數流鶯遠近飛垂楊裊裊弄晴暉斷腸聲裏送春歸
鬢影空思香霧溼襪塵還想步波微去年花下酒闌時

又

清淚斑斑著意垂消魂迢遞一天涯誰能萬里布長梯
先自樓臺飛粉絮可堪簾幕捲金泥相思心上乳鶯啼

迎春樂

參差鳳鐸鳴高屋漸驚覺清眠熟看夕陽倒影花陰
和清真詞

八

速雙燕子歸來宿幾曲危腸愁易束問雪鬢何時
重綠料想此情同應暗損香肌玉

又

紅深綠暗春無跡芳心蕩冶遊客記搖鞭跋馬銅駝
陌凝睇認珠簾側絮滿愁城風捲白遞多少相思
消息何處約歡期芳草外高樓北

點絳脣

池館春深海棠枝上斑斑雨酒旗斜舉風滾楊花絮
遊子征衫凭暖闌干處空凝竚杜鵑啼苦還報南樓鼓

一落索

月影娟娟明秀簾波吹皺徘徊空度可憐宵漫問道
因誰瘦不見芳音長久鱗鴻空有渭城西路恨依
然尙夢想青青柳

又

心抵江蓮長苦凌波人去厭厭消瘦不勝衣恨清淚
多於雨舊曲慵歌瓊樹誰傳香素碧溪流水過樓
前問紅葉來何處

垂絲釣

錦鱗繡羽難傳愁態蠶嫵岸草際天雲影垂絮人何
許漫竝闌倚柱煙光暮悵榆錢滿路送春帶酒歡
期幽會希遇彩簫鳳侶回首分攜處雙臉吹愁雨無

和清真詞

九

眼語再見時記否

滿庭芳

山色澄秋水光融日浮萍飄碎還圓數行征雁分破
白鷗煙高下回塘暗谷寫幽思終日濺濺閒凝望殘
霞暝靄何處一漁船江南思舊隱筠軒野徑茆舍
疎椽慣攜壺花下欹帽風前想像淵明舊節琴中趣
何必疎絃歸歟計不將五斗輸與北窗眠

隔浦蓮

垂楊煙溼嫩葆別嶼環清窈紺影浮新漲夷猶終日
魚鳥花妥庭下草鳴蟬鬧暗綠藏臺沼野軒小欹
眠斷夢閒書風葉顛倒詩懷酒思悔費十年昏曉投

老紅塵倦再到愁覺悠然心寄天表

法曲獻仙音

庭葉飄寒砌蛩催織夜色迢迢難度細剔燈花再添
香獸淒涼洞房朱戶見鳳枕羞孤另相思洒紅雨有
誰語 道年來爲郎憔悴音問隔回首後期尙阻寂
寞兩愁山鎖閒情無限鬢嫵嫩雪消肌試羅衣寬盡
腰素問何時夢裏趁得好風飛去

過秦樓

柳灑鵝黃草揉螺黛院落雨痕纔斷蜂鬢霧溼燕嘴
泥融陌上細風頻扇多少豔景關心長苦春光疾如
飛箭對東風忍負西園清賞翠深香遠 空暗憶醉

和清真詞

十

走銅駝間敲金鐙倦跡素衣塵染因花瘦覺爲酒情
鍾綠鬢幾番催變何況逢迎向人眉黛供愁嬌波回
倩料相思此際濃似飛紅萬點

或作濃于空
裏亂紅千點

側犯

四山翠合一溪碧繞秋容靚波定見鷺立魚跳動平
鏡脩竹散步屨古木通幽徑風靜煙霧直池塘倒晴
影 流年舊事老矣塵心瑩還暗省點吳箱憔悴愧
潘令夢憶江南小園路迴愁聽葉落轆轤金井

塞翁吟

暮色催更鼓庭戶月影隴臆記舊跡玉樓東看枕上
芙蓉雲屏幾軸江南畫香篆燼暖煙空睡起處繡衾

重尙殘酒潮紅 忡忡從分散歌稀宴小懷麗質渾
如夢中苦寂寞離情萬緒似秋後怯雨芭蕉不展愁
封何時細語此夕相思曾對西風

蘇幕遮

扇留風冰卻暑夏木陰陰相對黃鸝語薄晚輕陰還
閣雨遠岸煙深彷彿菱歌舉 燕歸來花落去幾度
逢迎幾度傷羈旅油壁西陵人識否好約追涼小艤
蒹葭浦

浣溪沙

菱藕花開來路香滿船絲竹載西涼波搖髮彩粉生
光 翡翠雙飛尋密浦鴛鴦濃睡倚回塘閒情須與

和清真詞

十一

酒商量

又

密約深期卒未成藏鉤春酒坐頻傾向人嬌豔夜亭
亭 相顧無言情易覺歸來單枕夢猶驚眼梢怨淚
幾時晴

又

面面虛堂水照空天然一朶玉芙蓉千嬌百媚語惺
惚 未散嬌雲輕鞦鬢欲融輕雪乍凝胸石榴裙袂
爲誰紅

又

刻樣衣裳巧刻繒綵枝環繞萬年藤生香吹透穀金

冰嫩水帶山嬌不斷溼雲堆嶺膩無聲香肩婀娜
許誰凭

點絳脣

閒蕩蘭舟翠娥仙杖風中舉鴛鴦深浦綠暗曾來路
留戀荷香薄晚慵歸去還相顧練波澄素月上潮
生處

訴衷情

遠山重疊亂山盤江上晚風酸秋容更兼殘日楓葉
照人丹書未到夢猶閒鬢先斑凭高無語征雁知
愁聲斷雲間

風流子

和清真詞

十一

河梁攜手別臨歧語共約踏青歸自雙燕再來斷無
音信海棠開了還又參差料此際笑隨花便面醉驕
錦鄣泥不憶故園粉愁香怨忍教華屋綠慘紅悲
舊家歌舞地生疎久塵暗鳳縷羅衣何限可憐心事
難訴歡期但兩點愁蛾纔開重斂幾行清淚欲制還
垂爭表爲郎憔悴相見方知

華胥引

長亭無數羈客將歸故園換葉乳鴨鳴隨波輕蘋滿渚
時共啜接眼春色何窮更櫓聲伊軋思憶前歡未言
心已愁怯欺鬢吳霜恨惺惺又還盈鑷錦紋魚素
那堪重翻再閱粉指香痕依舊在繡裳鴛篋多少相

思皺成眉上千疊

清都宴

暮色聞津鼓煙波碧數行征雁時度輕榔聚網長歌
和楫水村漁戶行人又落天涯但悵望高陽伴侶記
舊日酒卸宮袍馬酬少妾詞賦如今鬢影蕭然相
逢似雪徒話愁苦芳塵暗陌殘花徧野歲華空去垂
楊翠拂門徑尙夢想當時住處縱早歸綠漸成陰青
娥在否

四圍竹

花驄縱策制淚掩斜扉玉爐細裊鴛被半閒蕭瑟羅
幃銀漏聲那更雜疎疎雨裏此時懷抱誰知恨淒

和清真詞

三

其西窗自翦寒花沈吟暗數歸期最愛深情密意無
限當年往復詩辭千萬紙甚近日人來字漸稀

齊天樂

碧紗窗外黃鸝語聲聲似愁春晚岸柳飄綿庭花墮
雪惟有平蕪如翦重門向掩看風動疎簾浪鋪湘簟
暗想前歡舊遊心事寄詩卷鱗鴻音信未覩夢魂
尋訪後關山又隔無限客館愁思天涯倦跡幾許良
宵展轉閒情意遠記密閣深閨繡衾羅薦睡起無人
料應眉黛斂

木蘭花

溶溶水映娟娟秀淺約宮妝籠翠袖舞餘楊柳乍紫

風睡起海棠猶帶酒 憔悴蕭郎緣底瘦那日花前
相見後西窗疑是故人來費得羅牋詩幾首

霜葉飛

塞雲垂地隄煙重燕鴻初度江表露荷風柳向人疎
臺榭還清悄恨脈脈離情怨曉相思魂夢眼屏小奈
倦客征衣自徧拂塵埃玉鏡羞照 無限靜陌幽坊
追歡尋賞未落人後先到少年心事轉頭空況老來
懷抱儘綠葉紅英過了離聲慵整當時調問麗質從
憔悴消減腰圍似郎多少

蕙蘭芳

庭院雨晴倚斜照睡餘雙鴛正學染脩蛾官柳細勻

和清真詞

十四

黛綠繡簾半捲透笑語瑣窗華屋帶脆聲咽韻遠近
時聞絲竹 乍著單衣纔拈圓扇氣候暄燠趁驕馬
香車同按繡坊畫曲人生如寄浪勤耳目歸醉鄉猶
勝旅情愁獨

塞垣春

四遠天垂野向晚景雕鞍卸吳藍滴草塞綿藏柳風
物堪畫對雨收霧霽初晴也正陌上煙光灑聽黃鸝
啼紅樹短長音如寫 懷抱幾多愁年時趁歡會幽
雅盡日足相思奈春晝難夜念征塵滿堆襟袖那堪
更獨遊花陰下一別鬢毛減鏡中霜滿把

丁香結

煙溼高花雨藏低葉爲誰翠消紅隕歎水流波迅撫
豔景尙有輕陰餘潤乳鶯啼處路思歸意淚眼暗忍
青青榆莢滿地縱買閒愁難盡 勾引正記著年時
乍怯春寒陣陣小閣幽窗殘妝賸粉黛眉曾暈迢遞
魂夢萬里恨斷柔腸寸知何時重見空爲相思瘦損

氏州第一

朝日融怡天氣豔冶桃英杏萼猶小燕壘初營蜂衙
乍散池面煙光縹緲芳草如薰更激灩波光相照錦
繡縈回丹青映發未容春老 倦客自嗟清興少念

歸計夢魂飛繞浪闊魚沈雲高雁阻瞪目添愁抱憶
香閨臨麗景無人伴輕鬢淺笑想像消魂怨東風孤

和清真詞

五

念獨曉

解蹀躞

院宇無人晴書靜看簾波舞自憐春晚漂流向羈旅
那况淚溼征衣恨添客鬢終日子規聲苦 動離緒
漫徘徊愁步何時再相遇舊歡如昨匆匆楚臺雨別
後南北天涯夢魂猶記關山屢隨書去

少年遊

人如穠李香濛翠縷芳酒嫩於橙寶燭烘香珠簾閒
夜銀宇理鸞笙 歸時醉面春風醒花霧隔疎更低
輾彫輪輕櫳驕馬相伴月中行

慶春宮

宿靄籠晴層雲遮日送春望斷愁城籬落堆花簾櫳
飛絮更堪遠近鶯聲歲華流轉似行蟻盤旋萬里人
生如寄利鎖名韉何用勞縈駸駸皓髮相迎斜照
難留朝霧多零宜趁良辰何妨高會爲酬月皎風清
舞臺歌榭遇得旅懽期易成莫辭杯酒天賦吾曹特
地鍾情

醉桃源

良宵相對一燈青相思寫砑綾去時情淚滴紅冰西
風吹涕零愁宛轉意飛騰晴窗穿紙蠅夢知關塞
不堪行憶君猶問程

又

和清真詞

六

鴛鴦濃睡碧溪沙荷花深處家快風收電掣金蛇涼
波流素華吳國豔楚宮娃紅潮連翠霞坐來忽忽
燭光斜城頭聞亂鴉

點絳脣

綠葉陰陰滿城風雨催梅潤畫樓人近朝霧來芳信
從解雕鞍休數花吹陣無多悶燕催鶯趁付與春
歸恨

夜遊宮

一帶垂楊蘸水映芳草萋萋千里跋馬回隄少年子
擁青蛾向紅樓南酒市拚飲鶯花底恣懽笑粉融
香墜不趁臨分醉中起但依稀寫柔情留蜀紙

又

城上昏煙四斂畫樓外陡聽更點千里相思夢中見
恨年華逐東流隨急箭 簾影參差轉夜初過水沈
煙亂膽枕餘衾故人遠憶閒窗鞞雲鬢低粉面

訴衷情

一鉤新月淡於霜楊柳漸分行征塵厭堆襟袂雞唱
促晨裝 淮水闊楚山長暗悲傷重陽天氣杯酒黃
花還寄他鄉

傷情怨

閒愁眉上翠小儘春衫寬了舞鑑孤鸞嚴妝羞獨照
上孫音信尚渺度寒食禁煙須到趁賞芳菲今年

和清真詞

十七

春事早

紅林擒近

花幕高燒燭獸爐深炷香寒色上樓閣春威徧池塘
多情天孫罷織故與玉女穿窗素臉淺約宮裝風韻
勝笙簧 遊冶尋舊侶尊酒老吾鄉清歌度曲何妨
塵落雕梁任瑤階平尺珠簾人報膽拚酪酌飛羽觴

又

曉起山光慘晚來花意寒映月衣纖縞因風佩琅玕
三弄江梅聽徹幾點岸柳飄殘宛然舞曲初翻簾影
捲波瀾 把酒同喚醉促膝小留歡清狂痛飲能消
多少杯盤況人生如寄相逢半老歲華休作容易看

滿路花

簾篩月影金風捲楊花雪天邊鴻雁少音塵絕春光
欲暮客心歸心折江湖波浪闊目斷家山料應易過
佳節 柔情千點杜宇枝頭血危腸餘寸許誰能接
眠思夢憶不似今番切欲對何人說攬鏡沈吟瘦來
須有差別

解語花

長空淡碧素魄凝輝星斗寒相射鳳樓鴛瓦天風動
冉冉瓊環高下歌清韻雅對好景芳尊滿把花霧濃
燈火瑩煌笑語烘蘭麝 千斛明珠照夜况人如圖

和清真詞

六

散也愁萬炬絳蓮分謝更漏殘驚聽西樓吹小梅初
罷

六么令

照人明豔肌雪消繁燠嬌雲慢垂柔領紺髮濃於沐
微暈紅潮一線拂拂桃腮熟羣芳難逐天香國豔試
比春蘭共秋菊 當時相見恨晚彼此縈心目別後
空憶仙姿路隔吹簫玉何處闌干十二縹緲陽臺曲
佳期重卜都將離恨拚與尊前細留囑

倒犯

盡日任梧桐自飛翠階慵掃閒雲散綺秋容瑩暮天
清竈斜陽到地樓閣參差簾櫳悄嫩袖舞涼颼拂拂

生林表蕩塵襟寫名醜 攜手故園勝事尋蹤松篁
幽徑寫曲沼瞰靜綠蔭簷影龜魚小信倦跡歸來好
倩叮嚀長安遊子道鬢髮霜侵莫待菱花照醉鄉深
處老

大酺

正夕陽閒秋光淡鷺瓦參差華屋高低簾幕迴但風
搖環珮細聲頻觸瘦怯單衣涼生兩袖零亂庭梧窗
竹相思誰能會是歸程客夢路諸心熟況時節黃昏
閑門人靜凭闌身獨 歡情何太速歲華似飛馬馳
輕轂漫自歎河陽青鬢冉冉如霜把菱花悵然凝目
老去疏狂減思墮策小坊幽曲趁游樂繁華國回首
無緒清淚紛於紅菽話愁更堪翦燭

和清真詞

五

玉燭新

海棠
新海

海棠初雨後似露粉妝成肉紅團就太眞帳裏春眠
醒緩蹙樓前宮漏潮生酒暈獨自倚闌干時候吹鬢
影斜立東風餘寒半侵羅袖 驪山宮殿無人想笑
問君王豔容如否萬花競鬪難比竝麗美巧勻豐瘦
閨房挺秀一顧丹鉛低首應對羯鼓聲中清歌美奏

花犯

荷
花

渚風低芙蓉萬朶清妍賦情味霧縉紅綴看曼立分
行閒淡佳麗靚姿豔冶相扶倚高低紛愜喜正曉色
嬾窺妝面嬌眠欹翠被 秋色爲花且徘徊朱顏迎

綺露還應憔悴腰肢小
腮痕嫩更堪飄墜風流事
舊宮暗鎖誰復見塵生香步裏
漫歎息玉兒何許繁華空逝水

醜奴兒

凌波臺畔花如翦
幾點吳霜煙淡雲黃東閣何人見
晚妝江南春近書千里誰寄清
香別墅橫塘鼓角聲中又夕陽

水龍吟

海棠

錦城春色移根麗姿迥
壓江南地瓊酥拂臉彩雲滿
袖羣芳羞避雙燕來時暮寒
庭院雨藏煙閉正口口未足
宮妝尙怯還輕洒燕脂淚長是
歡遊花底怕

和清真詞

三

東風陡成怨吹高燒銀燭
梁州催按歌聲漸起綠態
多慵紅情不語動搖人意
算吳宮獨步昭陽第一可
依稀比

六醜

看流鶯度柳似急響
金梭飛擲護巢占泥翩翩飛燕
翼昨夢前迹暗數歡娛處
豔花幽草縱冶遊南國芳
心蕩漾如波澤繫馬青門
停車紫陌年華轉頭堪惜
奈離襟別袂容易疎
隔人間春寂漫雲容暮碧遠
水沈雙鯉無信息天涯漸老
羈客嘆良宵漏斷獨眠
愁極吳霜皎半侵華幘
誰復省十載勻香暈粉髻
傾鬢側相思意不離潮
汐想舊家接酒巡歌計今難再

得

虞美人

花臺響徹歌聲暖
白日林中短
春心搖蕩客魂消
搓粉揉香排比一團嬌
重來猶自尋芳徑
吹鬢東風
影步金蓮處
綠苔封不見
彩雲雙袖舞驚鴻

又

高樓遠閣花飛徧
急雨梢池面
脩脩楊柳不知門
多少亂鶯啼處暮煙昏
銀鈎小字題芳絮
宛轉回文
語可憐
單枕夢行雲
腸斷江南千里未歸人

蘭陵王

晚煙直池沼波痕皺
碧年芳爲花態
柳情按粉柔
藍

和清真詞

五

釀春色繁華記上國
曾識傾城幼客
風流事聯句送
鉤賤綠綃紅遞書尺
行雲去無跡
念暖響歌臺香
霧瑤席當時誰信盟
言食知一歲離聚幾多間
阻人生如夢寄
埃驛况分散南北
悲惻萬愁積
奈鸞鳳歡疎魚雁音
寂天涯何處相思極
但目斷芳草恨隨
塞笛那堪庭院更聽得
夜雨滴

蝶戀花

漏泄東君消息後
短葉長條著意遮
軒牖嫩比鵝黃
初熟酒染勻巧費春風手
萬縷篩金新月透
入夜柔情還勝朝來秀
綵筆彫章知幾首
可人標韻無新

舊

又

一榻腰肢初見後恰似娉婷十五藏朱牖春色惱人
濃抵酒風前脈脈如招手 黛染修眉蛾綠透態婉
儀閒自是閨房秀堪惜年華同轉首女郎臺畔春依
舊

又

碎玉飛花寒食後薄影行風終日穿疏牖有客思歸
還把酒閒吹倦絮輕粘手 雪滿愁城寒欲透飄盡
殘英翠幄成穠秀張緒風流今白首少年襟度難如
舊

又

和清真詞

三

翠浪藍光新雨後整整斜斜高下籠窗牖萬斛深傾
重碧酒量愁知落何人手 權霧梳煙晴色透照影
回風一段嫣然秀白下門東空引首藏鴉枝葉長懷
舊

西河

都會地東南王氣須記龍盤鳳舞到錢塘瑞煙回起
畫圖彩筆寫西湖波光溶漾無際翠闌最宜半倚柳
陰駿馬誰繫鱗差觀閣接飛翬衙廬萬壘倒空碧浸
輓琉璃雲收天淨如水 夕陽照晚聽近市沸笙簫
歡動閭里比屋樂逢堯世好相將載酒尋歌立對酬
答年華鶯花裏

三部樂

簾捲窗明聽杜宇，乍啼漏聲初絕。亂雲收盡，天際留殘月，奈相送。行客將歸，悵去程漸促，霽色催發。斷魂別浦，自上孤舟如葉。悠悠音信，易隔縱，怨懷恨語。到見時，難說堪嗟。水流急，景霜飛華髮。想家山路窮望，睫空倚，仗魂親。夢切不似，嫩柔猶能替離緒，千結菩薩蠻。

黃雞曉唱玲瓏曲，人生兩鬢無重綠。官柳繫行舟，相思獨倚樓。來時花未發，去後紛如雪。春色不堪看，蕭蕭風雨寒。

品令

和清真詞

三

露晞煙靜，寂寥轉梧桐。寒影天際，歷歷征鴻，近被風吹散，聲斷無行陣。秋思客懷，多少恨，慢慢厭厭誰問。暈殘蘭地香消印，夢魂長定，愁伴更籌盡。


玉樓春

華堂銀燭堆紅淚，解說離人多少意。恨從別後恨無窮，愁到濃時惟一味。江南渭北三千里，憔悴相思何日已。馬蹄清曉草黏天，庭院黃昏花滿地。

滿路花

鶯飛翠柳，搖魚躍浮萍，破班班紅杏。子交榴火，池臺晝永，繚繞花陰裏。山色遙供，座枕簟清涼。北窗時喚高臥。翻思少年走馬銅駝，左歸來敲鐙月，留關鎖。

年華老矣事逐浮雲過今吾非故我那日尊前祇今
問有誰呵



和清真詞

舌

和清真詞 終

美成當徽廟時提舉大晟樂府每製一調名流輒依
律賡唱獨東楚方千里樂安楊澤民有和清真全詞
各一卷或合爲三英集行世花庵詞客止選千里過
秦樓風流子訴衷情三闕而澤民不載豈揚劣於方
耶湖南毛晉識

和清真詞跋

孤鶴南手晉編

秦數風流千積東都三闕而數只不嫌豈辭長句
各一卷英合武三英集行世花庵詞客止選千里過
秦樓風流子訴衷情三闕而澤民不載豈揚劣於方
耶湖南毛晉識

10392

10391

